

3. oktober 2013

UKA 2013/82
Karl Kristian Kruse

Inuit inissianik pisortat najugaqarfiutaani attartortuusut kisiannili inigisaminnit anisitaasimasut, allamik sarfalersukkamik, imermut aqquteqartumik aammalu kias-sarneqartumik inissaqartinneqartarnissaat taamatullu ilaqtariit meerartallit min-nerpaamik iganissamut kissartuliornissamullu periarfissaqartinneqartarnissaat pil-lugu inatsisitigut illersugaalernissaat siunertalarugu, UPA 14-mut malittarisassior-nissamik Naalakkersuisut peqquneqarnissaannik Inatsisartut aalajangiiffigisassaat-tut siunnersuut.

(Inatsisartunut ilaasortaq Julianne Henningsen, Inuit Ataqatigiit)

Julianne Henningsen INUIT ATAQATINGIIT taamatut qaqitaqarnera SIUMUMIT tigulluar-lutigu imatut oqaaseqarfingissavarput.

SIUMUP pingartilluinnarpaa meeqqat peqqissut toqqisisimasut illersugaasullu nunami najukkatsinni inerriartoriusumi tamakkiisumik illersussallugit aammalu toqqissillutik anger-larsimaffeqarnissaat qulakkeerniartuassallugu.

SIUMUMIIK pineqartut atugaasa pittaasuunissaat soqutigiaannarpalput ilisimallutigulu inuaqatigiinni ajoraluartumik amerliartortunik angerlarsimaffeqanngittunik innuttaaqate-qaratta, SIUMUP pingartutut isigaa Naalakkersuisut, Inatsisartut upernaamut ataatsimi-innissaannut, ullumikkornit pittaanerusunik atugaqarsinnaanermut aammalu inissiisarsin-naarnermut tunngasunik sukumiisumik misissuereernertermikkut qaqitsiumaartut.

SIUMUP oqariartuutaani aallaavigissuarput nalunaarusiaq qulequtaqartoq "Kalaallit Nuna-anni angerlarsimaffeqanngitsutut inuuneq" 2013-mi saqqummiunneqartoq. Taassuma iluani ersarippoq ukiuni arfineq marlunni misissuinermi aallaaviulluarsinnaasut suliaqarnissat-sinnut, aammalu allaat kisitsisit tupannartut annerusumik eqqartortanngisavut suliarine-qaqqinnissaallu annertuumik pisariaqartut, ilaqtigut taassuma iluani nunatsinni inuit anisineqarsimasut ukiuni arfineq marlunni 1176-it nalunaarsorneqarput, taama isikkoqarnerata takutippaa inuaqatigiit annertuumik akisussaaqatigiinnitsinnik nammaqatigiinnitsinnillu in-narlersimasugut, atukkatsigullu assigiinngitorujussuarmik atugaqalersimasugut, allaammi angerlarsimaffeqanngittut nulunaarusiam i oqaluttuaanni annertutigut nakkarsaaqqinneaq atortarsimagipput maluginiagassaavoq ersarissoq akuerineqarsinnaanngitorlu, SIUMUP pigaartippaa pigaartittuarpaalu inuaqatigiik naligiittut inerriartortinneqassasut.

Inuaqatigiit kalaallit pissakinnerusunut takunnissinnaassuserput killeqalersimavoq taman-nalu uggornarpoq.

Tunngaviusorlu ajornanngippat ilanggullugu paasisariaqaripput SIUMUMIT isumaqarpu-gut, imaassimanerpa nunami nujukkatsinni inuuniarneq oqimaappallaalersimasoq? Taamatut naligiinngitsigisumik inuit atugaqartillugit inerriartortsiniarpugut? Ilaat piitsuu-

sorujussuutillugit, ilaat pisoorsuanngortillugit, Siumumi isumaqarpugut inuiqatigiit ingerlaasiat sukumiisumik qulaajarneqartariaqartoq.

SIUMUP siunissaq qanittoq ungasinnerusorlu isigalugu iliuuseqarnissaq pisariaqarluin-nartutut nukingernartutullu isigalutigu, makku qulaajarneqarlutik Inatsisartunut qaqinnejarnissaat kissaatigaavut:

1. Ullumikkut angerlarsimaffeqanngittunut inersimasunut atugassarititaasut qanoq ullutsinnut naleqqutiginersut, qanorlu peqqinnermut peqqinnerunissamullu naapertuutsiginersut nalunaarutineqassasut.

2. Ilaqtariinnut meerartalinnut angerlarsimaffeqanngittunut atugassarititaasut qanoq ullutsinnut naleqqutiginersut peqqinnissaannullu qanoq qularnaaritiginersut nalunaarutingine-qassasut. Siunnersuuteqartoq taamatut kissaateqarmat SIUMUMIT ilalerparput.

SIUMUMIILLU ilanngullugit qulaajarneqassasut kissaatigaavut isumaginninnikkut sinaakkutaasut ullumikkut atorneqartut angerlarsimaffeqanngittunut ilumut naleqqunnersut.

Aammalu ineqarnermut akiliutit qaffakkaluttuinnartut akissaatikinnerusunut akunnatumillu akissaatilinnut ilumut naleqqunnersut ilanngullugit misissorneqarnissaat SIUMUP pingaar-tutut isigaa.

INI A/S igerlanneqarnera ilanngullugu misissorneqassasoq SIUMUMIT kissaatigaarput. Inissiat pisoqaanerusut ilumut akiminnut naleqqunnersut, soorlu 50-60-70-80-ikkunni 90-ikkunni sanaajusut ullumikkumut akiminnut naleqqunnersut akiusut qaffaqattaaginnarneqarnerat, angerlarsimaffeqanngittorpassuummi qulaani eqqartukkavut amerlanerit INI A/S mit anisitaasuusarput taamaattumik tulluarpooq ilanngullugu qulaajaavigineqarpat ilumut inuaqatigiinnut naapertuutumik ingerlatsinersoq.

SIUMUMITTAAQ suliassat pingaarutillit ilaattut tikkuarusupparput, inissiat akikinnerusut pilersinneqarnissaannik NAALAKKERSUISUT upernaamut saqqummiussaqarnerminni ilanngussaqassasut, ullumikkummi inissiat nutaat nutaajunerusullu SIK-p akissarsiat pillugit isumaqatigiissutaannik akissaatilinnit nammanneqarsinnaanatillu akissaqartinneqangillat, taamaattumik inissiat akikinnerusut akunnattumillu isertitaqartunut tulluarsakkat pilersinneqarnissaat ilanngullugu suliarineqassasoq SIUMUMIT piumasarivarput.

SIUMUP pingartilluinnarpaa inuaqatigiit toqqisisimasut aammalu namminneq angerlarsimaffeqarnissaat toqqisisimanartumik, tamannalu qularnaarumallugu nunatsinni pisuu-nik piitsuunerusunut atugassarititaasut atorneqartullu qulaajarneqarlutik saqqummiun-neqarnissaat SIUMUP piumasarivaa. Kommunit angerlarsimaffeqanngittunut sullissinerminni maleruagassiaat imaluunniit suleriaasii ajornanngippat ilanngullugit saqqummiunneqarnissaat kissaatiginarpoq.

Qulequttap pineqartup inuaqatigiit igerlanneqarneranni assingiittut arlaqartut attuumassut-teqarfigisaai tamakkiisumik sukumiisumillu qulaajarneqareerlutik upernaamut qaqinnejarnissaat qilanaaralutigu SIUMUMIT utaqqissuarput.

Siumup Naalakkersuisut akissutaat paasilluarlutigu ilaliinerat qujassutingaarput.

Naggataatigullu erseqqissassallutigu sapinngisamik ullumikkornit angerlarsimaffeqanngit-tut pingartumillu meerartalinnut amerlanerulinnginnissaat sapinngisatsinnik suleqataaf-

figissagatsigu, aammalu inuaqatigiinnut akuuleqqinnissaannik suliniartuarnissarput SIU-MUMIT annertuumik piumassuseqarfingaaarpput suliarissallutigulu.

Taamatut oqaaseqarluta aappassaaneerneqartinnani llaqutariinnermut Peqqissutsimullu Ataatsimiitaliamut suliarineqartussanngorlugu ingerlatinneqassasoq innersuupparput.